


♀♂♂♂♂



ԾԱԳՈՒՄԸ


Լատիներեն “genus” բառից.
նշանակում է ծնունդ,
ընտանիք, գեն և ցեղ:





ՆՇԱՆԱԿՈՒԹՅՈՒՆԸ

Կնոջ և տղամարդու սոցիալապես
ամրագրված, հասարակության մեջ
ընդունելի վարք, որը վերագրվում է
անձին՝ կախված իր
կենսաբանական սեռից:



ԻՆՉՈՒՆՑ ԳԵՆԴԵՐ,
ԱՅԼ ՈՉ ՍԵՌ

Սեռը կենսաբանական հատկանիշ է

և վերաբերում է բնության կողմից տրված՝ կնոջ և տղամարդու մարմինների միջև ֆիզիոլոգիական տարբերություններին: Մինչդեռ,

**գենդերը սոցիալական հատկանիշ է
և վերաբերում է անձի՝**

հասարակության մեջ ունեցած դերին
և դրսևորած վարքին, ինչպես նաև
հասարակության՝ նրանից ունեցած
սպասումներին:

Մեր ֆիզիոլոգիական
առանձնահատկությունները չպետք է
պայմանավորեն մեր հանդեպ
վերաբերմունքը:

Սակայն, ցավոք, հասարակությունը,
հիմնվելով մեր սեռային
առանձնահատկությունների վրա, մեզ
է թելադրում մի շարք նորմեր և դերեր,
որոնք ստեղծում են կարծրատիպեր և
հիմք հանդիսանում մեր հանդեպ
գենդերային խտրականության և
բռնության:

ԳԵՆԴԵՐԱՅԻՆ ՆՈՐՄԵՐ

Հասարակության մեջ ընդունված ու
լայն տարածում գտած վարքի
որոշակի կանոններ և չափանիշներ,
որոնք ակնկալվում են կնոջից և
տղամարդուց՝ կախված նրա
կենսաբանական սեռից:

ԳԵՆԴԵՐԱՅԻՆ ԴԵՐԵՐ

Տղամարդուց ու կնոջից ակնկալվող վարքային նորմերի ամբողջություն, որը սահմանվում և թելադրվում է հասարակության կողմից՝ ելնելով տվյալ ժամանակաշրջանում հասարակության մշակութային առանձնահատկություններից:

ԳԵՆԴԵՐԱՅԻՆ ԿԱՐԾՐԱՏԻՊԵՐ

Կարծրացած, ընդհանրացված, և
հաճախ, լայն տարածում գտած
պատկերացումներ՝ կանանց,
տղամարդկանց և,
համապատասխանաբար, նրանց
դերերի վերաբերյալ: Դրանք
յուրացվում են ավելի վաղ, քան երևան
է գալիս սեփական կարծիքը, և
դառնում են վարքի և վերաբերմունքի
չգիտակցված կառավարիչներ:

ԳԵՆԴԵՐԱՅԻՆ ԽՏՐԱԿԱՆ ՈՒԹՅՈՒՆ

Ցանկացած տարբերակում, բացառում կամ նախապատվություն, որը սահմանափակում է անձի շահերը և իրավունքների իրացման հնարավորությունները՝ կախված նրա կին կամ տղամարդ լինելուց: Սեքսիզմը նախապաշարմունքի վրա հիմնված խտրականացնող վերաբերմունք է՝ հիմնականում ուղղված կանանց դեմ:

ԳԵՆԴԵՐԱՅԻՆ ՏԻՄՔՈՎ ԲՈՆՈՒԹՅՈՒՆ

Բռնություն անձի հանդեպ, որը պայմանավորված է վերջինիս կին կամ տղամարդ լինելով:

Բռնության այս տեսակը արտահայտում է կնոջ և տղամարդու

հարաբերություններում եղած ուժային անհավասարությունը, և հիմնականում կիրառվում է կնոջ հանդեպ տղամարդու կողմից:

Այդ պատճառով այս հասկացությունը հաճախ նույնացվում է «կանանց հանդեպ բռնություն» հասկացության հետ:



**Թողլ՛ մի՛ տուր, որ գենդերային
դերերը, նորմերը և
կարծրատիպերը սահմանափակեն
քո ազատությունը և իրավունքները:
Պայքարի՛ր գենդերային
խտրականության և բռնության դեմ:
Արտահայտի՛ր քո «ԵՍ»-ը:**



ԳԵՆԴԵՐԱՅԻՆ ՏԱՎԱՍԱՐՈՒԹՅՈՒՆ

Կանանց և տղամարդկանց հավասար
իրավունքներ և հնարավորություններ,

ինչպես նաև պայմաններ՝
հասարակական կյանքի բոլոր
ոլորտներում հավասարապես
մասնակցություն ունենալու և
սեփական կարողությունները
դրսևորելու համար:



Vagharsyan 26, apt. 2
0012, Yerevan, RA
www.swv.am
email: team@swv.am
tel: +374 60 448192, +374 91 428192

Վաղարշյան 26, բն. 2
0012, Երևան, ՀՀ
www.swv.am
Էլ փոստ՝ team@swv.am
Հեռ: +374 60 448192, +374 91 428192